

Сән дегтр

Одахн мана лавксар, РСФСР-н эрдм-сургуулин Министерствин, бичкдүдин дегтр гаргъач барлдж гаргъси, хальмг бичяч Давид Кугультиновин исен «Бамба и красавица Булгун» гидг, бичкн умшачнрт нерядси дегтр орс келяр гарч ирв.

Эн дегтртән бичяч Д. Кугультинов иим гурвн хальмг туульс орулдж: «Сказка о славном юноше Маньвархане и прелестноликой Венчике Небесного Лотоса», «Бамба и красавица Булгун» болн «О дружбе, победившей смерть».

• Умшси цагт йир сәәнәр медгдм, амр болн бичкн умшачнрт медгдм келяр, эн туульс бичгддж гидж келх кергтә. Тер учр деерәс, хальмг бичяч үр Д. Кугультинов бичкн умшачнрт сән белг өгв гидж келдж болхмн.

Эн туульс сенр болн сургъмджин кӧдлмшт чинрән кӱргдж чадхмн гидж келдж болхмн. Тер юнъгад гихлә, эн туульст тӧрскн орн-нутгтан дуртань, хар ухан угагъар хоорндан иньгллгънә, әмән әрвлл уга тӧрскән харслгъна, баатр зӧрмг йовдлмудин болн келси үгдән кӱрдгин тускар келгдджәнә.

Дегтрин дотрк чинрләнә әдл, гадринь чигн зурач Вебер Г. С. кеегъәр кедж. Келхд сән дегтр, бичкдүд биш бӧдүн улст чилтлнә зогслго умшгд-на.

Бичяч Д. Кугультинов иим туульсиг олар цуглулад, хальмг келяр негик хуранъгъу гаргъхла, сән болхмн билә.

Тиим дегтр хальмг келяр гарх гидж бидн, умшачнр, кӱләджәнәвдн.

У. ДОРДЖИЕВ.